



თიბისი დაზღვევა



საინფორმაციო ფურცელი  
სისოცხლის ვადიანი  
ინდივიდუალური დაზღვევა

#TL-01/21

## გამარჯობა!

თქვენ ეცნობით სიცოცხლის ვადიანი დაზღვევის ძირითად პირობებს. წინამდებარე საინფორმაციო ფურცელი არ შეიცავს ამომწურავ ინფორმაციას და იგი არ არის დაზღვევის ხელშეკრულების ტოლფასი. შესაბამისად, მისი გაცნობა არ წარმოშობს ჩვენ შორის სამართლებრივ ურთიერთობას.

### ვინ არის მზღვეველი?

მზღვეველი ორგანიზაციაა სს „თიბისი დაზღვევა“ (ს/კ 405042804)

მისამართი: ქ. თბილისი, ალ. ყაზბეგის გამზ. #24ბ

ცხელი ხაზი/ტელეფონი: (+995 32) 242 22 22

### დაზღვევის ხელშეკრულების სახე

წინამდებარე საინფორმაციო ფურცელი შეიცავს მოკლე ინფორმაციას სიცოცხლის ვადიანი დაზღვევის ხელშეკრულების შესახებ. თქვენ მიერ შესაბამისი დაზღვევის შექმნის შემთხვევაში, დეკლარაციის ან სამედიცინო კითხვარი საფუძველზე გადმოგეცემათ დაზღვევის დამადასტურებელი დოკუმენტი „პოლისი“, რომელიც, მასში მითითებულ დაზღვევის პირობებთან და „ხელშეკრულების მნიშვნელოვან პირობებთან“ ერთად, წარმოადგენს დაზღვევის ერთიან ხელშეკრულებას. პოლისში მითითებული დაზღვევის დეტალური პირობების ნახვა შეგიძლიათ ჩვენს ვებ გვერდზე [www.tbcinsurance.ge](http://www.tbcinsurance.ge). თქვენ მიერ დაზღვევის შექმნა გულისხმობს, რომ დაეთანხმეთ საიტზე განთავსებულ და პოლისში მითითებულ დაზღვევის პირობებს **#TL-01/21**.

### რა არის დაზღვეული?

დაზღვევა ითვალისწინებს სადაზღვევო ანაზღაურების გაცემას მოსარგებლებზე, პოლისში მითითებული დაზღვეული რისკით გამოწვეული სადაზღვევო შემთხვევის დადგომისას, გარდა **#TL-01/21** დაზღვევის პირობებით გათვალისწინებული გამონაკლისი შემთხვევებისა.

### რისგან ხართ დაზღვეული?

ინდივიდუალური პოლისის შექმნის შემთხვევაში:

1. სადაზღვევო პერიოდის განმავლობაში, მოცდის პერიოდის ამოწურვის შემდეგ, დაზღვეული პირის ბუნებრივი მიზეზით გარდაცვალება;
2. სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალება.

3. სადაზღვევო პერიოდის განმავლობაში, მოცდის პერიოდის ამონურვის შემდეგ, უბედური შემთხვევის შედეგად, უშუალოდ ამ უბედური შემთხვევით გამოწვეული დროებითი შრომისუნარობა.

**საოჯახო პოლისის შექმნის შემთხვევაში ძირითად დაზღვეულთან მიმართებაში:**

1. სადაზღვევო პერიოდის განმავლობაში, მოცდის პერიოდის ამონურვის შემდეგ, დაზღვეული პირის ბუნებრივი მიზეზით გარდაცვალება;
2. სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალება.
3. სადაზღვევო პერიოდის განმავლობაში, მოცდის პერიოდის ამონურვის შემდეგ, უბედური შემთხვევის შედეგად, უშუალოდ ამ უბედური შემთხვევით გამოწვეული დროებითი შრომისუნარობა.

**საოჯახო პოლისის შექმნის შემთხვევაში დაზღვეულ მეუღლესთან მიმართებაში:**

1. სადაზღვევო პერიოდის განმავლობაში, მოცდის პერიოდის ამონურვის შემდეგ, დაზღვეული პირის ბუნებრივი მიზეზით გარდაცვალება;
2. სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალება.

**საოჯახო პოლისის შექმნის შემთხვევაში დაზღვეულ შვილ(ებ)თან მიმართებაში:**

1. მხოლოდ უბედური შემთხვევით და არა რაიმე სხვა დამოუკიდებელი მიზეზით გამოწვეული ტრავმა.

**უბედური შემთხვევა** წარმოადგენს გაუთვალისწინებელ და მოულოდნელ შემთხვევას, გამოწვეული თვალსაჩინო გარეგანი ძალების ზემოქმედებით, რომელიც განაპირობებს დაზღვეულის გარდაცვალებას.

**დროებითი შრომისუნარობა** წარმოადგენს მხოლოდ უბედური შემთხვევით და არა რაიმე სხვა დამოუკიდებელი მიზეზით გამოწვეული სხეულის დაზიანებას, რომელიც იწვევს შრომისუნარიანობის დროებით დაკარგვას უწყვეტად 40 დღეზე მეტი პერიოდით და დადასტურებულია საქართველოს შრომის, ჯანმრთელობისა და სოციალური დაცვის მინისტრის #281/6 ბრძანების შესაბამისად გაცემული საავადმყოფო ფურცლით („ბიულეტენით“).

**გარდაცვალება** წარმოადგენს ბუნებრივი მიზეზებისა და უბედური შემთხვევის შედეგად დამდგარ გარდაცვალებას, გარდა #TL-01/21 სადაზღვევო პირობების გამონაკლისების მუხლით გათვალისწინებული შემთხვევებისა.

**მოცდის პერიოდი** წარმოადგენს პერიოდს, რომლის განმავლობაშიც სადაზღვევო ხელშეკრულებით დაფარული რისკის დადგომისას, სადაზღვევო ანაზღაურება არ ექვემდებარება გაცემას. ბუნებრივი მიზეზებით გარდაცვალების რისკთან მიმართებით მოცდის პერიოდი შეადგენს დაზღვევის ხელშეკრულების ძალაში შესვლიდან პირველ

90 (ოთხმოცდაათი) კალენდარულ დღეს. უბედური შემთხვევის შედეგად დროებითი შრომისუნარობისა და დაზღვეული შვილ/ებ/ის შემთხვევაში, ტრავმების რისკთან მიმართებით მოცდის პერიოდი შეადგენს დაზღვევის ხელშეკრულების ძალაში შესვლიდან პირველ 14 (თოთხმეტი) კალენდარულ დღეს. მოცდის პერიოდი არ ვრცელდება უბედური შემთხვევით გამოწვეული გარდაცვალების რისკთან მიმართებით.

თუ არსებული პოლისის გაუქმებას ან/და ამოწურვასა და ახალი სადაზღვევო პოლისის გაფორმებას შორის იქნება წყვეტა ან თუ ახალი სადაზღვევო პოლისი გაფორმდება გაზრდილ სადაზღვევო თანხაზე, მოცდის პერიოდის ათვლა დაიწყება თავიდან.

მოცდის პერიოდი არ შეეხება იმ დაზღვეულებს, ვინც სადაზღვევო პერიოდის ამოწურვის შემდეგ უწყვეტად (ანუ იმავე თარიღში) განაახლებენ სადაზღვევო პოლისს იგივე ან ნაკლებ სადაზღვევო თანხაზე.

მოცდის პერიოდი ბუნებრივი მიზეზით გარდაცვალების რისკთან მიმართებით არ შეეხება ინდივიდუალური პოლისით დაზღვეულს და საოჯახო პოლისის ძირითად დაზღვეულს, რომელიც ფლობდა მზღვეველის ანალოგიურ პროდუქტს (სიცოცხლის ვადიანი ნებაყოფლობითი დაზღვევა) იგივე ან ნაკლები სადაზღვევო ლიმიტით და უწყვეტად შეიძინა ეს პროდუქტი.

## თქვენი ხარჯის შესახებ

დაზღვევის შესაძენად უნდა გადაიხადოთ სადაზღვევო პრემია, თქვენ მიერ შერჩეული და მზღვეველთან შეთანხმებული გრაფიკის შესაბამისად, რაც ასახული იქნება პოლისში.

სადაზღვევო პრემიის მრავალჯერადი გადახდის შემთხვევაში, სადაზღვევო პრემიის გადახდაზე 30 (ოცდაათი) დღიანი ვადაგადაცილების მიზეზით მზღვეველის მიერ დაზღვევის ხელშეკრულების გაუქმების შემთხვევაში, დამზღვევი ვალდებულია სრულად გადაიხადოს დაზღვევის ხელშეკრულების გაუქმების თარიღისთვის გამომუშავებული და გადაუხდელი სადაზღვევო პრემია.

დამზღვევის მიერ დაზღვევის ხელშეკრულების ვადაზე ადრე შეწყვეტისას, თუ დაზღვევის ხელშეკრულების შეწყვეტამდე ადგილი არ ჰქონია სადაზღვევო შემთხვევას, დამზღვევი ვალდებულია სრულად გადაიხადოს დაზღვევის ხელშეკრულების გაუქმების თარიღისთვის გამომუშავებული და გადაუხდელი სადაზღვევო პრემია და დაზღვევის ხელშეკრულების ვადაზე ადრე შეწყვეტის პირგასამტეხლო ერთი თვის სადაზღვევო პრემიის ოდენობით, მაგრამ არანაკლებ 50 (ორმოცდაათი) ლარისა.

დამზღვევის მიერ დაზღვევის ხელშეკრულების ვადაზე ადრე შეწყვეტისას, თუ დაზღვევის ხელშეკრულების შეწყვეტამდე მზღვეველის მიერ მოხდა მიმდინარე დაზღვევის ხელშეკრულების საფუძველზე სადაზღვევო ანაზღაურების გაცემა, დამზღვევი ვალდებულია სრულად გადაიხადოს მიმდინარე სადაზღვევო წლის შესაბამისი სადაზღვევო პრემია. ამასთან, მზღვეველი უფლებამოსილია გამოქვითოს

მიმდინარე სადაზღვევო წლის შესაბამისი სადაზღვევო პრემიის გადაუხდელი ნაწილი მის მიერ გასაცემი სადაზღვევო ანაზღაურების თანხიდან.

თუ დაზღვევის ხელშეკრულება წყდება დაზღვეულის გარდაცვალების მიზეზით, მზღვეველის მიერ ასანაზღაურებელ თანხას გამოაკლდება სადაზღვევო პოლისით განსაზღვრული ჯამური სადაზღვევო პრემიის გადაუხდელი ნაწილი.

### დაზღვევას არ ექვემდებარებიან:

- პირები, რომელთა ასაკი დაზღვევის ძალაში შესვლის თარიღისთვის არის 20 წელზე ნაკლები და 53 წელზე მეტი;
- ფიზიკური პირები, რომლებიც არ არიან საქართველოს მოქალაქეები ან/და არ აქვთ საქართველოში ბინადრობის უფლება;
- საოჯახო პაკეტის შექმნის შემთხვევაში, კანონიერ ქორწინებაში მყოფი მეუღლე, რომელთა ასაკი დაზღვევის ძალაში შესვლის თარიღისთვის არის 20 წელზე ნაკლები და 53 წელზე მეტი;
- საოჯახო პაკეტის შექმნის შემთხვევაში, შვილები, რომელთა ასაკი დაზღვევის ძალაში შესვლის თარიღისთვის არის 3 წელზე ნაკლები და 17 წელზე მეტი;
- პირები, რომლებიც საჭიროებენ მუდმივ მოვლას (დახმარებას ყოველდღიური საყოფაცხოვრებო აქტივობის შესასრულებლად), მაგრამ ეს შეზღუდვა არ ვრცელდება პირებზე, რომლებიც აღმოჩნდნენ აღნიშნულ მდგომარეობაში დაზღვევის ხელშეკრულების ძალაში შესვლის შემდეგ.
- დაზღვევის მომენტისთვის კარანტინში/თვითიზოლაციაში მყოფი პირები, კარანტინის/თვითიზოლაციის ვადის დასრულებამდე;
- პირები, რომლებიც დაზღვევის მომენტში ელოდებიან პასუხს COVID-19-ის ტესტზე ან უკვე აქვთ მიღებული დადებითი პასუხი აღნიშნულ ტესტზე; დადებითი პასუხის შემთხვევაში, დაზღვევის გაფორმება შესაძლებელია გამოჯანმრთელებიდან 1 (ერთი) კალენდარული თვის გასვლის შემდეგ;
- პირები, რომლებიც ფლობენ მზღვეველის ანალოგიურ, სიცოცხლის ვადიანი დაზღვევის ნებაყოფლობით პროდუქტს - „სიცოცხლის ვადიანი ინდივიდუალური დაზღვევას „თიბისი დაზღვევის“ ჯანმრთელობის დაზღვევის მფლობელთათვის“.

### სადაზღვევო ანაზღაურება არ გაიცემა თუ:

- არ არის სრულყოფილად წარმოდგენილი მზღვეველის მიერ შემთხვევის შესაფასებლად აუცილებელი საბუთები;
- დაზღვევის პროცესში დამზღვევის მიერ არასწორად ან/და არაზუსტად ან/და არასრულად იქნა მოწოდებული ინფორმაცია დაზღვეულის შესახებ, რასაც შეიძლება არსებითი გავლენა ჰქონოდა რისკის შეფასებაზე;
- სადაზღვევო შემთხვევის დადგომისას, სადაზღვევო პრემია არ იყო გადახდილი სიცოცხლის ვადიანი ინდივიდუალური დაზღვევის #TLP-01/21 პირობების 7.4 პუნქტის მოთხოვნების შესაბამისად;



- სადაზღვევო შემთხვევასთან დაკავშირებით დაზღვევის და/ან მოსარგებლის მიერ მზღვეველისათვის მიწოდებული დოკუმენტაცია/ინფორმაცია არ შეესაბამება რეალურ ფაქტობრივ გარემოებებს ან /და ყალბია.

### სადაზღვევო ანაზღაურება ასევე არ გაიცემა, თუ:

დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამომწვეულია შემდეგი მოვლენებით:

დაზღვეულის გარდაცვალების ან/და დროებითი შრომისუნარობის/სხეულის დაზიანების შემთხვევაში:

- მოცდის პერიოდის განმავლობაში ბუნებრივი მიზეზით დამდგარი გარდაცვალება, დროებითი შრომისუნარობა და სხეულის დაზიანება;
- დაზღვეულია პირი, რომელიც წინამდებარე პირობების მიხედვით დაზღვევას არ ექვემდებარება. ასევე, დაზღვეული მეუღლის გარდაცვალება, თუ დაზღვევის მომენტში ის არ იმყოფებოდა ოფიციალურ, საქართველოს კანონმდებლობით აღიარებულ, ქორწინებაში ძირითად დაზღვეულთან. ამასთან, ასეთი პირების სასარგებლოდ გადახდილი პრემია უკან დაბრუნებას არ ექვემდებარება.
- პირველი სადაზღვევო წლის განმავლობაში დაზღვევამდე არსებული დაავადებით/პათოლოგიური მდგომარეობით ან/და მისი გართულებებით გამომწვეული გარდაცვალება; ეს გამონაკლისი აღარ არის ძალაში მეორე სადაზღვევო წლიდან;
- ნარკოტიკული ნივთიერებების, ტოქსიკური, ფსიქოტროპული ან ალკოჰოლური ნივთიერებების ზემოქმედება და მათი მოხმარებით გამომწვეული გართულებები; ასევე, თუ დაზღვეული შემთხვევის დადგომის მომენტში იმყოფებოდა ალკოჰოლის და/ან ნარკოტიკული და/ან ტოქსიკური და/ან ფსიქოტროპული ნივთიერებების მოქმედების ქვეშ, გარდა იმ შემთხვევისა, როდესაც ნარკოტიკული ან ფსიქოტროპული საშუალება დანიშნულია შესაბამისი სამედიცინო ჩვენებით, სერტიფიცირებული ექიმის მიერ;
- დაზღვეულის თავისუფლების აღკვეთის დაწესებულებაში ყოფნის დროს დამდგარი შემთხვევები;
- დაზღვეულის გარდაცვალება გამომწვეულია შიდსით, აივ-ინფექციით ან ნებისმიერი ტიპის ჰეპატიტით (გარდა A ჰეპატიტისა), ღვიძლის ციროზით, ღვიძლის კიბოთი ან მათი გართულებებით;
- თვითმკვლელობა, თვითდაზიანება ან მათი მცდელობა; განსაკუთრებული საფრთხის მიმართ შეგნებული გაუფრთხილებლობა (თუ ეს ადამიანის სიცოცხლის გადარჩენის მიზნით არ ხდება);
- დაზღვეულის მონაწილეობა საქართველოს (ან გარდაცვალების/უბედური შემთხვევის ადგილის მიხედვით შესაბამისი ქვეყნის) კანონმდებლობით გათვალისწინებულ კანონსაწინააღმდეგო ქმედებებში;
- ომი (გამოცხადებული ან გამოუცხადებელი), სამოქალაქო ომი, აჯანყება, რევოლუცია, გაფიცვა, ხელისუფლების სამხედრო გადატრიალება;
- შემთხვევის მიზეზი გახდა დაზღვეულის ან/და მოსარგებლის განზრახ ქმედება;

- დაზღვეულის გარდაცვალება/შრომისუუნარობა/სხეულის დაზიანება მოჰყვანებისმიერ ტერორისტულ აქტს. ტერორისტული აქტი გულისხმობს, მაგრამ არ შემოიფარგლება, პოლიტიკური, რელიგიური, იდეოლოგიური ან ეთნიკური მოტივით სახელმწიფოზე ზეგავლენის მოხდენის მიზნით ან/და საზოგადოების ან მისი რომელიმე ნაწილის დაშინების მიზნით გამოყენებულ ძალას ან ძალადობას და/ან მუქარას ნებისმიერი პირის ან პირთა ჯგუფის მიერ, მიუხედავად იმისა, მოქმედებენ ისინი მარტო თუ რაიმე ორგანიზაცი(ებ)ის ან ხელისუფლებ(ებ)ის სახელით ან მათთან შეთანხმებულად;
- დაზღვეულის ფსიქიკური ავადმყოფობა, მაგრამ ეს შეზღუდვა არ ვრცელდება პირებზე, რომლებიც ფსიქიკურად დაავადდნენ დაზღვევის ხელშეკრულების გაფორმებისა და მოცდის პერიოდის ამოწურვის შემდეგ;
- დაზღვეულის მონაწილეობა შემდეგი მაღალი რისკის შემცველ აქტივობებში: სპორტის საბრძოლო სახეობები, აკვალანგით ყვინთვა, ნადირობა, კლდეზე ცოცვა, ალპინიზმი, ჯომარდობა, მოტორიანი ნავით, კატამარანით, მოპედით მოტოროლერით, სკუტერით, მოტოციკლით, კვადროციკლით გადაადგილება, პარაშუტით ხტომა, დელტა და პარაპლანერიზმი, სკაისერფინგი, ვინდსერფინგი, პარკური, ექსტრემალური ველოსპორტი (მაუნთინბაუკინგი, დერტჯამპინგი), ავტო და მოტო რბოლა, დოღები, მღვიმეებსა და გამოქვაბულებში ყოფნა და გადაადგილება, გაუკვალავ თოვლში თხილამურებზე და სნოუბორდზე სრიალი, ტრამპლინიდან ხტომა, „სნოუმობაილინგი“, „Freestyle“ სრიალი, ვერტმფრენიდან სრიალი (Heli Skiing), სკი-ქროსი, კურორტის რუკაზე აღნიშნული სასრიალო ტრასის/ტრასებს გარეთ სრიალი; ექსტრემალური და პროფესიული სპორტის სახეობები, ავიაცია და მასთან დაკავშირებული სპორტის სახეობები; დაზღვეულის გარდაცვალება/შრომისუუნარობა/სხეულის დაზიანება მოჰყვანა სანაძლეოს, აკრობატულ ოინებს, ნებისმიერი სახის რეკორდის დამყარებას, მის მცდელობას ან მისთვის მზადებას;
- ავტომობილის ან/და სხვა მექანიკური სატრანსპორტო საშუალების მართვა შესაბამისი მართვის მოწმობის გარეშე ან/და ავტომობილის ან/და სხვა მექანიკური სატრანსპორტო საშუალების მართვა ნარკოტიკული, ტოქსიკური, ფსიქოტროპული ან ალკოჰოლური ნივთიერებების ზემოქმედების ქვეშ;
- დაზღვეულის ყოფნა ან მონაწილეობა: პოლიციის, სამხედრო ფლოტის, ჯარის ან სამხედრო საჰაერო ძალების შემადგენლობაში ან სამხედრო ოპერაციებში/წვრთნებში;
- დაზღვეულის პროფესიული საქმიანობა, როგორცაა მაღაროში, მიწისქვეშა, ქვის სამტეხლოში, ფეთქებად-საშიშ მასალებთან და საომარ აღჭურვილობასთან, ნავთობ პროდუქტებთან, მაღალი ძაბვის კაბელებთან, ნავთობ და გაზ-ჭაბურღილის ბურღვასთან, საშიშ ქიმიურ ნივთიერებებთან დაკავშირებული სამუშაოები;
- დაზღვეულის გარდაცვალება/შრომისუუნარობა გამოიწვია ბირთვული ენერგიით (ბირთვული რეაქციები, რადიაცია, დაბინძურება) ნებისმიერმა დაზიანებამ ან დაავადებამ, რომელიც პირდაპირ თუ არაპირდაპირ გამომწვეულია ან შედეგად მოყვა ბირთვული საწვავით ან ბირთვული საწვავის

აფეთქებით გამოწვეულ იონიზირებულ დასხივებას ან რადიოაქტიურ დაბინძურებას;

- საავიაციო რისკები, გარდა იმ შემთხვევისა, როდესაც დაზღვეული წარმოადგენს რეგულარული ან ჩარტერული ავიარეისის მგზავრს;
- სამედიცინო დანიშნულების არაგონივრული უარყოფა; ასევე, დაზღვეულის მიერ არალიცენზირებულ სამედიცინო დაწესებულებებში მკურნალობის კურსის ან თვითმკურნალობის შედეგად გამოწვეული ჯანმრთელობის გაუარესება;
- ნებისმიერი შემთხვევა, თუ დადგენილი არ იქნება გარდაცვალების გამომწვევი დიაგნოზი. დაზღვეულის უგზო-უკვლოდ დაკარგულად აღიარება სადაზღვევო შემთხვევას არ წარმოადგენს;
- დაზღვეულის ჯანმრთელობასთან, პროფესია/საქმიანობასთან ან სადაზღვევო შემთხვევასთან დაკავშირებული ინფორმაციის ან ნებისმიერი სხვა ინფორმაციის დამალვა ან გაყალბება, როგორც დაზღვევის ხელშეკრულების დადებისას ასევე მისი მოქმედების პერიოდში და სადაზღვევო შემთხვევის დადგომის შემდეგაც.
- თუ დაზღვეულმა შეიცვალა პროფესია ან საქმიანობა და მზღვეველს არ შეატყობინა ამ ცვლილებების შესახებ, ხოლო უკანასკნელს გავლენა ჰქონდა სადაზღვევო შემთხვევის დადგომაზე.

გარდა ზემოთ ჩამოთვლილი გამონაკლისებისა დაზღვეულის დროებითი შრომისუუნარობის შემთხვევაში დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამოწვეულია შემდეგი მოვლენებით:

- თუ უბედური შემთხვევის დადგომის მომენტისათვის, დაზღვეული არ/აღარ იქნება დასაქმებული/თვითდასაქმებული;
- შემთხვევები, რომლებიც არ არის განპირობებული უბედური შემთხვევით;
- დაზღვევის მოქმედების დაწყებამდე უბედურ შემთხვევამდე არსებული ფიზიკური ნაკლები, ანომალიები, დაავადებები და მათი გართულებები ან შრომისუუნარობა;
- მოწამვლას, რომელიც მოყვა დაზღვეულის მიერ თხევადი ან არათხევადი ნივთიერების მიღებას;
- აბდომინალური ან საზარდულის თიაქარი; პათოლოგიური მოტეხილობა, სახსარის ჩვეული ამოვარდნა/ღრძობა/ქვეღრძობა;
- გარეგანი ძალების ზემოქმედების გარეშე მალთაშორისი დისკების დაზიანება, სისხლდენა შინაგანი ორგანოებიდან და თავის ტვინში სისხლჩაქცევა;
- თუ უბედური შემთხვევის დადგომის მომენტისათვის, დაზღვეული იმყოფება ორსულობის, მშობიარობის ან/და ბავშვის მოვლის გამო შვებულებაში;
- გარდა ზემოთ ჩამოთვლილი გამონაკლისებისა დაზღვეულის დროებითი შრომისუუნარობის შემთხვევაში, ანაზღაურება არ გაიცემა, თუ დაზღვეული ბიულეტენზე ყოფნის პერიოდში კვლავ იმყოფება სახელშეკრულებო ურთიერთობაში დამსაქმებელთან და იღებს შრომითი ხელშეკრულებით გათვალისწინებულ ხელფასს.



გარდა TL-01/21 სადაზღვევო პირობების 4.1 პუნქტში ჩამოთვლილი გამონაკლისებისა დაზღვეული შვილის სხეულის დაზიანების შემთხვევაში დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამომწვეულია შემდეგი მოვლენებით:

- შემთხვევები, რომლებიც არ არის განპირობებული უბედური შემთხვევით;
- დაზღვევის მოქმედების დაწყებამდე უბედურ შემთხვევამდე არსებული ფიზიკური ნაკლები, ანომალიები, დაავადებები და მათი გართულებები ან შრომისუნარობა;
- მოწამვლას, რომელიც მოყვა დაზღვეულის მიერ თხევადი ან არათხევადი ნივთიერების მიღებას;
- აბდომინალური ან საზარდულის თიაქარი; პათოლოგიური მოტეხილობა, სახსარის ჩვეული ამოვარდნა/ღრძობა/ქვეღრძობა;
- გარეგანი ძალების ზემოქმედების გარეშე მალთაშორისი დისკების დაზიანება, სისხლდენა შინაგანი ორგანოებიდან და თავის ტვინში სისხლჩაქცევა;

ამ დაზღვევის მიზნებისთვის, დაზღვევამდე არსებული დაავადება/პათოლოგიური მდგომარეობა ნიშნავს დაზღვევის ხელშეკრულების გაფორმებამდე დიაგნოსტირებულ დაავადებას ან/და ჯანმრთელობის პრობლემას, რომელიც არსებობდა დაზღვევის ხელშეკრულების გაფორმებამდე.

### როგორ უნდა მოიქცეთ სადაზღვევო შემთხვევის დადგომისას:

მოსარგებლე ვალდებულია სადაზღვევო პოლისით გათვალისწინებული შემთხვევის დადგომიდან არაუგვიანეს 1 (ერთი) თვის განმავლობაში, აცნობოს ამის შესახებ მზღვეველს (ცხელი ხაზის ნომერზე +995 32 242 22 22 ან ელ. ფოსტაზე: [lifedtbinsurance.ge](mailto:lifedtbinsurance.ge)) და წარუდგინოს შემდეგი დოკუმენტაცია:

**ნებისმიერი ტიპის შემთხვევის დადგომისას:**

- ანაზღაურების მოთხოვნის განაცხადი;
- დაზღვეულის პირადობის დამადასტურებელი დოკუმენტის ასლი;
- სადაზღვევო პოლისი;
- მოსარგებლ(ეებ)ის პირადობის დამადასტურებელი დოკუმენტი;
- მოსარგებლის/მოსარგებლეების საბანკო რეკვიზიტები;
- თუ ზარალი უკავშირდება დაზღვეულ მეუღლეს - ქორწინების მოწმობის ასლი.

**დაზღვეულის გარდაცვალების შემთხვევაში:**

- დაზღვეულის გარდაცვალების მოწმობის დედანი ან ნოტარიალურად დამოწმებული ასლი;
- სამედიცინო ცნობა, გარდაცვალების მიზეზის შესახებ (ფორმა 106/ს-4);
- დიაგნოზის დამადასტურებელი დოკუმენტაცია (სამედიცინო ფორმა iv-100/ა);
- დაზღვეული პირის უბედური შემთხვევით გამომწვეული გარდაცვალების შემთხვევაში, შესაბამისი სამართალდამცავი ორგანოების მიერ შედგენილი და ხელმოწერილი აქტი;
- ნოტარიულად დამოწმებული სამკვიდრო მოწმობა, საჭიროების შემთხვევაში.

- საჭიროების შემთხვევაში, ოჯახის წევრების (მეუღლის, შვილების, დედ-მამის, და-ძმის) პირადობის დამადასტურებელი მოწმობის ასლები, ასევე ოჯახის წევრების (მეუღლის, შვილების, დედ-მამის, და-ძმის) დაბადების მოწმობის ასლები და დაზღვეულის ქორწინების მოწმობის ასლი;
- იმ შემთხვევაში, თუ მოწოდებული დოკუმენტაციით ვერ ხერხდება დაზღვეულის გარდაცვალების გამომწვევი მიზეზის დადგენა, მზღვეველი უფლებამოსილია მოითხოვოს სამედიცინო ექსპერტიზის დასკვნა.

#### **უბედური შემთხვევის შედეგად დამდგარი დროებითი შრომისუნარობის შემთხვევაში:**

- შესაბამისი სამართალდამცავი ორგანოების მიერ შედგენილი და ხელმოწერილი აქტი უბედური შემთხვევის შესახებ;
- დიაგნოზის დამადასტურებელი დოკუმენტაცია (სამედიცინო ფორმა iv-100/ა);
- საქართველოს შრომის, ჯანმრთელობისა და სოციალური დაცვის მინისტრის #281/ნ ბრძანების შესაბამისად გაცემული საავადმყოფო ფურცელი;
- თუ დაზღვეული დასაქმებულია შრომითი ხელშეკრულებით კერძო კომპანიაში ან სახელმწიფო სტრუქტურაში - ცნობა სამსახურიდან (დაკავებული თანამდებობის, სამსახურში აყვანის და გათავისუფლების თარიღისა და ხელფასის ოდენობის მითითებით), შრომითი ხელშეკრულების ან/და დანიშვნის ბრძანების ასლი, შრომითი ხელშეკრულების შეწყვეტის ბრძანება, ამონაწერი კომპანიის სახელფასო უწყისიდან, შრომითი ხელშეკრულების შეწყვეტის თარიღამდე ბოლო 6 თვის განმავლობაში ჩარიცხული ხელფასის ოდენობით, ცნობა შემოსავლების სამსახურიდან სადაზღვევო შემთხვევამდე ბოლო 6 თვის განმავლობაში მიღებული შემოსავლების შესახებ;
- თუ დაზღვეული დასაქმებულია მომსახურების ხელშეკრულებით ან თვითდასაქმებულია - საბანკო ამონაწერი სადაზღვევო შემთხვევამდე ბოლო 6 თვის განმავლობაში ჩარიცხვების შესახებ, ცნობა შემოსავლების სამსახურიდან სადაზღვევო შემთხვევამდე ბოლო 6 თვის განმავლობაში მიღებული შემოსავლების შესახებ, მომსახურების ხელშეკრულების ასლი, თუ დაზღვეულის საქმიანობა ითვალისწინებს სპეციალურ ლიცენზირებას - შესაბამისი ლიცენზიის ასლი.

#### **დაზღვეული შვილის შემთხვევაში უბედური შემთხვევის შედეგად სხულის დაზიანებისას:**

- დაბადების მოწმობის ასლი;
- შესაბამისი სამართალდამცავი ორგანოების მიერ შედგენილი და ხელმოწერილი აქტი უბედური შემთხვევის შესახებ;
- სასწავლო დაწესებულებაში ტრავმის მიღების შემთხვევაში - შესაბამისი ცნობა სასწავლო დაწესებულებიდან;
- სპორტული ტრავმის შემთხვევაში ცნობა სპორტული დაწესებულებიდან (კლუბიდან), რომელიც ადასტურებს დაზღვეულის ამ დაწესებულებაში სპორტით დაკავებას (სპორტის სახეობისა და დატვირთვების მითითებით) და ტრავმის მიღებას. სპორტული დაწესებულების ლიცენზიის ასლი;
- დიაგნოზის დამადასტურებელი დოკუმენტაცია (სამედიცინო ფორმა iv-100/ა);

კონკრეტული შემთხვევიდან გამომდინარე, მზღვეველი იტოვებს უფლებას მოითხოვოს წინამდებარე მუხლში ჩამოთვლილი საბუთებისგან განსხვავებული, დამატებითი საბუთების წარმოდგენა კონკრეტული სადაზღვევო შემთხვევის გარემოებების ზუსტად დადგენის მიზნით.

## სადაზღვევო შემთხვევის რეგულირებისა და სადაზღვევო ანაზღაურების გაცემის ფორმა და ვადა

ყველა აუცილებელი დოკუმენტაციის მიღების შემდგომ მზღვეველი 15 (თხუთმეტი) სამუშაო დღის ვადაში განიხილავს და გასცემს მოსარგებლეზე წინამდებარე დაზღვევის პირობების შესაბამისად განსაზღვრულ სადაზღვევო ანაზღაურებას ან უარს ეტყვის მოსარგებლეს ანაზღაურებაზე.

სადაზღვევო ანაზღაურების გაცემაზე დადებითი გადაწყვეტილების შემთხვევაში გაფორმდება სადაზღვევო შემთხვევის დარეგულირება აქტი.

სადაზღვევო ანაზღაურება გაიცემა დარეგულირების აქტის ხელმოწერიდან 15 (თხუთმეტი) სამუშაო დღეში.

სადაზღვევო ანაზღაურება მზღვეველის მიერ მოსარგებლე(ებ)ზე გაიცემა პოლისში მითითებული სადაზღვევო თანხის ფარგლებში.

სადაზღვევო ანაზღაურება გაიცემა უნაღდო ანგარიშსწორების გზით.

იმ შემთხვევაში თუ მოსარგებლე(ებ)ს წარმოადგენენ დაზღვეულის კანონისმიერი მემკვიდრე(ებ)ი სადაზღვევო ანაზღაურება გაიცემა სამკვიდრო მოწმობაში მითითებულ პირ(ებ)ზე, სამკვიდრო მოწმობაში მითითებული წესით ან/და პროცენტული თანაფარდობით.

იმ შემთხვევაში თუ დაზღვეული სარგებლობს მზღვეველის სხვა სიცოცხლის ვადიანი ნებაყოფლობითი დაზღვევის პროდუქტით, მიუხედავად სადაზღვევო პოლისების რაოდენობისა და მათი ლიმიტებისა, მოსარგებლე(ებ)ისათვის ასანაზღაურებელი ჯამური თანხა არ აღემატება ამ პოლისით გათვალისწინებული სადაზღვევო თანხის/ლიმიტის ოდენობას.

**გვადლობთ, რომ სარგებლობთ ჩვენი მომსახურებით!**